

# Die Stam Dan

## 2.

Wat het gebeur met die stam Dan? Hoekom is hulle nie deel van die 144 duisend uitverkore nie? Bestaan hulle nog en waar vind hulle hulself tans? Die vrae en nog-wat gaan ek nou deurgee:

In Gen. 30:5 lees ons dat Bilha die slavin van Ragel wat swanger geword het en vir Jakob 'n seun gebaar. :6 Ragel, Jakob se vrou sê dat YHUH aan haar reg verskaf het en haar gebede verhoor het en vir haar 'n seun gegee het. Sy noem hom toe Dan. Gen. 35:25 lees ons dat Bilha, die slavin van Ragel, twee seuns vir Ragel gebore het nl: Dan en Náftali. In Gen.49:16 lees ons dat Dan soos al die seuns van Jakob ook sy volk reg verskaf, maar tog ontvang Dan in Gen. 49:17 'n slang simbool wat 'n horingslang sal wees op die pad wat die perd aan die hakskeene byt, sodat sy ruiters agteroorval.

Ons lees in Ex. 35:34, toe die volk uit Egipte getrek het, het die Daniete (*in die guns van VADER*) 'n onderrigtingsgees ontvang om die volk te onderrig. In Ex. 36:1 sien ons dat Besáleël en Ohóliab, wat Daniete was, elkeen wat kunsvaardig was onderrig het. Dus het YHUH aan hulle wysheid en verstand gegee om met kennis al die werk tot vervaardiging van die reinheid te verrig en dit maak net soos YHUH beveel het. Hoor mooi wat in Ex. 38:23 staan, wat ek wil uit wys oor hulle belangstelling en kuns werke: *En saam met hom Ohóliab, die seun van Ahísamag, van die stam van Dan, 'n ambagsman en kunstenaar en kunswewer in pers en in purperrooi en in bloedrooi stowwe en in fyn linne* (Hou die in die gedagte tot later).

Ons kyk na 'n gebeurtenis wat afspeel in Lev. 24:10 waar 'n seun van 'n Israelitiese vrou, tog 'n seun van 'n Egiptiese man, gehad het. Die Egiptiese seun het uitgegaan tussen die kinders van Israel en gaan veg met 'n seun van 'n Israelitiese vrou en 'n Israelitiese man in die laer. Met die geveg lees ons in Lev. 24:11 dat die seun van die Israelitiese vrou (Egiptiese man) die NAAM van VADER gelaster en gevloek het. Hulle het hom gevang en na Moses gebring. Die naam van die seun se moeder was Sélomit, die dogter van Dibri, van die stam van Dan. Hoekom ek die deel aanhaal is om uit te wys dat Dan se mense hulle baie verbind het met die Egiptiese mense, hul gode, doen en late (Hou ook die geval in gedagte tot later).

Soos ons weet het die volk 'n swerftog van 40 jaar in die woestyn gehad waarvan Josua die volk in die belofteland ingelei het. Ons lees in Jos 19:40 dat die stam van die kinders van Dan, volgens hulle geslagte, die sewende lot ontvang het om grondbesit. Maar as jy Jos 19:47 lees sal jy sien dat hulle hul grondgebied kwytgeraak het.

Hulle het wel teen die kinders van Lesem gaan veg wat nie werklik hulle gegewe gebied was nie. Hulle het die gebied Lesem Dan genoem na die naam van hulle vader Dan.

As ons na Rug. 5:17 gaan lees ons dat *Gilead het rustig oorkant die Jordaan gebly; en Dan, waarom vertoef hy by die skepe?* Dan was nie tevrede met die gebied wat hulle ontvang het by YHUUH nie en het hulle soort van afgesonder weg van die ander seuns.

Nou kom ek met die openbaring oor die stam Dan. In Rug. 13:21 lees ons dat 'n BoodsAPPER (YAHUSHA) van VADER aan Manóag en sy vrou verskyn het. In Rug.13:24 word aan die vrou genoem dat sy 'n seun sal baar en dat hulle hom Simson moet noem. Hulle ontvang opdragte hoe om die kind groot te maak waarvan sy hare nooit gesny mag word nie. Ons lees in Rug. 13:25 dat die Gees van VADER in Simson begin werk het.

Soos ons sy verhaal ken is dat hy nie 'n vrou uit sy eie mense wou gehad het nie, maar eerder 'n vrou uit sy vyandgeledere.

Wat ons nou kan oplet is dat die Daniel altyd 'n nyging het tot ander volke se mense en hul leringe. Ons weet dat Dan 'n slang simbool gehad het waarvan dit beteken dat hulle slu en slim was en tog in Deut. 33:22 lees ons ook dat hulle 'n jong leeu is wat uit Basan uitspring. Dus was hulle slu en baie kragtig om hul opponent te vernietig. Eers daar gelaat.

'n Klompie jare na Simson lees ons in Rug. 18:2 dat die kinders van Dan dapper manne, uit Sórea en Estáol gestuur om die land te verken en dit te deursoek. Hulle het die gebergte van hulle broer Efraim ingegaan en by 'n man met die naam Miga uitgekóm en daar oornag. Ons lees in Rug. 18:12 dat hulle opgetrek het en laer opgeslaan by Kirjat-Jeárim in Juda. Hier kan ons weereens sien dan die Daniel hulle hulself soos 'n slu slang inkruip waar hulle nie hoort nie. Hulle het die gebied wat aan Juda behoort geassimileer en dié plek Dan-se-Laer genoem (*blykbaar dieselfde naam tot vandag toe*).

Ons lees verder in Rug. 18:16 tot 31 wat die doel en begeerte was van die Daniel. Waar hulle ook al beweeg het tussen hulle broers sien hulle die rustigheid tussen hulle. In Rug. 18:17 en verder sien ons dat hulle oorgegaan het om dit te neem wat hulle altyd na smag, die gesnede beeld en die skouerkleed en die huisgode en die gegote beelde. Hulle het in Rug. 18:18 na 'n huis gegaan wat aan Miga behoort, waarvan hy 'n huis priester gehad het, gegaan en hom met al sy gesnede beeld, en die skouerkleed, en die huisgode, en die gegote beeld geneem. Hulle noem vir hom in Rig.18:19 dat hy stil moet bly en saam met hulle moet gaan om vir hulle 'n "vader" en 'n "priester" moet wees. Hulle noem dat dit beter vir hom so wees om priester vir die hele stam van Dan (*wat ook 'n geslag is van die Israel volk*) kan wees as net oor een huis. Miga verbly hom met die woorde in Rug.18:20 en gaan toe om 'n afgodspriester vir die Daniel te wees.

#### 4.

Met die tog van die Daniëte bo word bevestig in Rug. 18:31 dat hulle geleef het om ander se gode en gesnede beeld te assimileer, soos van Miga sin, wat opgerig moes word en hulle hulself vereenselwig met die vreemde gode.

As ons voort gaan met die Dan invloed op hulle broers lees ons in 2Kon. 10:29 dat Jehu wat die nageslag van Jeróbeam was, die seun van Nebat, wat die 10 stamme regeer het laat oortree het. Jehu het nie afgewyk van die gode wat sy meester Jeróbeam hom geleer het nie. As ons 1Kon. Lees sal ons sien waar Jeróbeam na Egipte gevlug het, en waarvan hy hulle gode ook geassimileer het; 'ek praat van die goue kalwers wat in Bet-el en in Dan was'. In Jer. 4:14,15 lees ons waar YHWH die Daniëte se boosheid uitlig met die vraag: *Hoe lank sal jou onheilsgedagtes in jou binneste vertoef?*

Nou dat ons weet dat Dan 'n slang en leeu is en ook dat hulle nie tevrede was wat hulle as erfdeel ontvang het nie, gaan ons oor na Eseg. 27:18 tot 20 waar hulle met die vyand en alle volke handel gedryf het met kunswerke, (afgode) en allerhande goed soos wyn van Helbon en wit wol.

Uit Amos. 8:11-14 kom Dan se oordeel waarom hulle nie deel van die 144 duisend sal wees nie. VADER noem duidelik dat daar dae (dit is nou) gaan kom dat daar 'n honger onder die Daniëte sal wees, nie 'n honger na brood nie en nie 'n dors na water nie, maar om die woorde van VADER te hoor. Hulle gaan na al hulle gode gryp, hulle sal swerwe van see tot see en rondslinger van noord na oos, om na die woord van VADER te soek, maar hulle sal dit nie vind nie. In dié dag sal die mooi jongedogters en die jongmanne van dors beswyk hulle wat sweer by die skuld van Samaría, en ook sê: So waar as jou god leef, o Dan! en: So waar as die weg van Berséba leef! En hulle sal val en nie weer opstaan nie.

Ek gaan oor na 'n samevatting en openbaring oor Dan:

Dan as die slang laat 'n lang sleepmerk op die grond en nie 'n pootmerk soos 'n vierpotige dier nie. Dan was die seevaardige leeu wat oor die see met alle volke te doen kon hê en hulle aanval en plunder. Dan was 'n regter wat nie net onder sy eie mense geheers het nie, maar onder alle volke wat hulle besoek het.

As ons Dan in vandag se lewe wil uitwys waar hulle tans woon in Europa is dit Denemarke. Kom ons vat eers die Denemarke naam tot openbaring; Dene is 'Dan' die seun van Jakob. Dit word ook geskryf as Denmark of Dan's mark waarvan dit beteken dat dit die merk van die Dan familie is. Dit lyk soos 'n kruis wat op sy sy lê. Dit het verskeie betekenisse waarvan ek net die volgende sal uitlig: Die beteken die vier windrigtings en die merk wat 'n slang op die aarde sal maak.

Nou omrede Dan in die vere verlede die manne was wat die aarde "deurkruis" het en baie land met hulle godes geassimileer het, het hulle hul teken gelaat by baie nasies. Om dit uit te lig gaan ons oor na die lande se vlae. Kyk gerus na Finland; Ysland; Noorweë en Swede wat ook 'n kruis op hulle vlae het wat op sy sy lê. Daar is anderlande soos: Griekeland; Switserland; Noord-Ierland; UK, Engeland (Brittanje); Australië; New Zealand; Ierland; Georgia en Skotland wat ook 'n kruis op hulle vlae het wat beteken dat Dan wel by hulle ook 'n draai gemaak het. Die kruis op vlae en kentekens vind jy nie regtig by ander volke nie, behalwe dat hulle ook deur die Daniëte beheer word.

Nou wie is die hedendaagse Daniëte? Dit is die weggesteekte tussen die seuns van Jakob. Meeste van die broers was en is beïnvloed deur die Daniëte en sonder hedendaagse struweling het hulle deel geword van die broers. Hulle is die beligte manne wat onder en tussen ons woon. Hulle is nie die Jode of die Pousdom nie, maar die koninklike en die superrykes van die aarde. Hulle woon van Australië deur tot Amerika oor die aarde waarvan hulle die aarde reël en heers van ouds af.

Hoekom sê ek so?

Luister mooi hoe my stellings uit die Skrifte bymekaar kom.

Dan wat nie van sy erfporse (*soos Esau, Jakob se broer*) gehou het nie en getrek het, het hoofsaaklik hulle uitbreiding te danke aan al hulle seevaart. Hulle het baie te doen gehad met die Egiptenare en met hulle gode. Soos ons by Simson leer kan ons sien dat hulle sterk soos 'n leeu kan wees en so ook slim en sluis soos 'n slang. Die Daniëte was die groep wat afgedeel was om die instrumente soos die kandelaar, ark, komme, ens. te maak vir die Tent van samekoms waar die stem en heerskappy van YHWH gekom het. Hulle wou nie net stop met die Tent se toerusting nie, maar eerder om afbeeldings van ander godes te betrek. Die dag toe Dawid se heerskappy, na sy seun Salomo, in twee geskeer was het 'n Daniëte (Jeróbeam) na Egipte gevlug en daar gaan woon. Die Daniëte het van al die Egiptiese godes geleer en dit later toegepas toe Salomo gesterf het. Hy het volgens VADER se wil heerskappy ontvang oor 10 stamme / seuns van Jakob. Hy het die kalf en allerhande gode van die Egiptenare ingestel in sy regering oor die 10 stamme. Die Daniëte het gevoel dat dit reg was, want nou het hulle meer as 100 godes wat oor hulle aangestel was, wat hulle baie respek voor gehad het. Die Egiptenare was op daardie stadium die mees vooruitstrewende volk op aarde. Kyk gerus na die Egiptiese geboue, piramiedes en kleredrag. Hulle militêre mag en krag wat hulle uitgevoer het oor baie volke rondom hulle.

## 6.

Al die soort van goed het die Daniete baie beïnvloed en verlei en daardeur afvallig geraak van YHUUH (*YHUUH het baie kwaad geword vir hulle optrede en daarom het hulle hul grondgebied verloor*).

Die vraag is nou: Uit wie kom die antiegesalfde (*in die plek van / strydend / antichris*)? Is dit uit die Israeliete, m.a.w. uit die Saksers (Isak) of is dit dalk uit die Islamiete wat op Isak jaloers was? So kan Dan ook 'n kandidaat wees.

Ek gaan oor om Open.17 te behandel, maar lees dit asb. tot openbaring: Ons lees in Open.17 van die groot hoer waarvan dit Dan mag wees volgens die informasie wat ons bo behandel het. Nog 'n rede is dat ander volke nie kan hoereer nie, want slegs die uitverkore volk kan. Hoekom? Die wet en verordeninge is nie vir die wêreld / ander volke gegee nie, maar slegs aan die kinders van Jakob. 'n Derde rede is dat die hoer wat op baie waters sit 'n simbool van die Dan stam kan wees, want hulle was die stam wat op die waters geheers het en by baie volkere aangedoen het om handel te dryf en wel te doen gekry het met hulle gode (In Amos. 8:13,14 staan: *In dié dag sal die mooi jongedogters en die jongmanne van dors beswyk hulle wat sweer by die skuld van Samaría, en ook sê: So waar as jou god leef, o Dan! en: So waar as die weg van Berséba leef! En hulle sal val en nie weer opstaan nie*). Dan het baie volke beïnvloed met hulle 'Skepper' (*dié Skepper van die Israeliete*) en so ook hulle gode aangeneem (*soos Salomo*) en daardeur gehoereer.

Ons lees van die skarlakenrooidier in Openbaring wat Esau met sy nageslag kan wees. Hoekom? Esau was rooi (*Gen. 25:25 En die eerste is gebore rooi, geheel en al soos 'n mantel van hare. Daarom het hulle hom Esau genoem*). Bo en behalwe het YHUUH Esau gehaat (*Mal. 1:3 maar Esau het Ek gehaat en sy gebergte 'n wildernis gemaak en sy erfdeel aan die jakkalse van die woestyn prysgegee*).

Met gevolgtrekking kan ons sê dat Dan (vrou) op Esau (Geldmag) se rug ry. Ons lees verder in Openbaring van 'n dier met die sewe koppe waarvan ek voel dat die dier se eerste kop by Nimrod begin. Die volgende vier koppe na Nimrod het hulle heerskappy ontvang en dit ook verloor, want in YAHUSHA / Johannes se tyd was die sesde kop reeds in heerskappy wat die Romeine / Rooms-Katolieke was. Heelwat jare na YAHUSHA het die sesde kop / Romeine 'n dodelike wond ontvang toe die Franse die Pousdom tot stop gebring het. Soos ons weet het die Pousdom weer vroeg in die 1900 kop uitgesteek en waarvan hulle die 'moeder' van al die kerke / gelowe op aarde tot op vandag is.

Die agste kop behoort aan die dier / geldmag / Esau. Die sewende kop moet die Amerikaners wees, want hulle heerskappy het toe nog nie bestaan in YAHUSHA se tyd nie, maar wel vandag. Hulle sal net 'n klein tyd heers saam met die geldmag (Jer.8:16,17).

Dan lees ons van die tien horings van die dier. Die tien horings van die geldmag / dier is tien heersers wat tans op aarde besig is om hulle self lekker in te wikkkel om die aarde te heers. Elk van hulle het by die dier / geldmag 'n 10de deel op aarde ontvang om oor te heers ( Illuminate).

Nou die tien heersers op aarde dien veelgodery of moet ek noem geen god nie (*attisisme*). Dan (*hoer*) met sy gode gaan deur die tien heersers van die aarde verwerp en afgegooi word, want hulle het hom en sy gode nie meer nodig nie. Wat dit wel beteken is dat die geloofstelsel wat tans op aarde heers nie meer deur die geldmag (*Esau*) gebruik sal word nie, want hulle glo aan geen god of skepping nie ( *wat nog van YAHUSHA en die VADER van die Israeliete*). As ons verder lees in Openbaring sal ons lees dat die 10 heersers saam met die geldmag oorlog gaan voer teen die "Lam" en sy kinders. Ons vertroosting lê in *Matt. 24:21,22 Want dan sal daar groot verdrukking wees soos daar van die begin van die wêreld af tot nou toe nie gewees het en ook nooit sal wees nie.:22 En as daardie dae nie verkort was nie, sou geen vlees gered word nie; maar ter wille van die uitverkorenes sal daardie dae verkort word*. Dus gaan hulle wel verloor teen die Lam, ons Koning "YAHUAH"!

Wat wel ook beseft moet word staan in 1Jo 2:18 *Kinders, dit is die laaste uur; en soos julle gehoor het dat die Antichris kom, bestaan daar ook nou baie antichriste, waaruit ons weet dat dit die laaste uur is* Dus : 1Jo 2:22 *Wie is die leuenaar, behalwe hy wat ontken dat ~~Jesus die Christus~~ YAHUSHA dié Gesalfde is? Dit is die Antichris wat die VADER en die Seun loën. 1Jo 4:3 en elke gees wat nie bely dat ~~Jesus Christus~~ YAHUSHA dié Gesalfde in die vlees gekom het nie, is nie uit ~~God~~ VADER nie; en dit is die gees van die Antichris waarvan julle gehoor het dat hy kom, en hy is nou al in die wêreld. (2 Joh.1:7). 2Jo 1:7 Want baie verleiers het in die wêreld ingekom: die wat nie bely dat ~~Jesus Christus~~ YAHUSHA dié Gesalfde in die vlees gekom het nie. Dit is die verleier en die Antichris.*

Daar het oor die eeue baie heersers op gestaan wat wel voorbereiders was om die Antichris daar te stel waarvan Tramp van Amerika die laaste kandidaat is.

Ek sluit om te noem dat ons nie ons ore moet uitleen om 'n antichris te verwag nie, maar wel 'n heerskappy van die 10 lande wat van korte duur sal wees.

Doen eerder die opdrag wat ons ontvang in *Open.2:24,25 En ek sê vir julle en die ander wat in Thiatîre is, almal wat hierdie leer nie het nie, en die wat die dieptes van die Satan, soos hulle dit noem, nie leer ken het nie: Ek sal op julle geen ander las lê nie. :25 Hou maar net vas wat julle het, totdat Ek kom.*

Bedink al die woorde